



Pou Piblikasyon Imedya: 29/11/2022

GOUVÈNÈ KATHY HOCHUL

GOUVÈNÈ HOCHUL ANONSE NIVO REKÒ NAN TRAVAY ENÈJI PWÒP YO ATENN NAN ETA NEW YORK

*Rapò Endistri Enèji Pwòp 2022 a Montre Djòb Vèt Ap Ede Kontribiye nan
Rekiperasyon Ekonomik COVID-19 New York la*

**New York Kontinye Konstwi yon Filyè Talan Enèji Pwòp la pou Sipòte Ekonomi
Vèt ak Objektif klimatik Enpòtan Eta yo**

Gouvènè Kathy Hochul te anonse jodi a kantite moun ki gen djòb enèji pwòp nan Eta New York te rive nan yon nivo rekò 165,000 travayè nan fen ane 2021 an, sa k ap ede kontribiye rekiperasyon ekonomik COVID-19 New York la nan rekiperasyon djòb enèji pwòp ki te pèdi an 2020 epi depase nivo travay nan enèji pwòp anvan COVID-19 la pa 1,300 djòb. Anons jodi a bati sou angajman Eta New York pou asire yon tranzisyon jis ak ekitab pou tout Nouyòkè yo jan Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a egzije li a.

"Rapò Endistri Enèji Pwòp ane sa a montre sa mwen te toujou konnen ki vrè lakay Nouyòkè yo - ke nou rezistan, epi nou kontinye vanse devan advèsite", **Gouvènè Hochul te deklare.** "Malgre COVID-19 te gen anpil enpak sou tout ekonomi an pandan kèk ane ki sot pase yo, nou te wè ki jan endistri enèji pwòp la te dirije wout la nan rekiperasyon nou an. Plis Nouyòkè pase anvan anplwaye ak travay enèji pwòp pou soutni fanmi yo epi yo aktivman ap ede New York bati yon mendèv ki ka satisfè demann tan kap vini yo."

2022 [Rapò Endistri Enèji Pwòp New York la](#) ki pibliye jodi a pa Otorite Rechèch ak Developman Enèji Eta New York la (New York State Energy Research and Development Authority, NYSERDA) bay done sou kwasans travay enèji pwòp eta a jiska fen ane 2021. Rapò a montre sektè sa a te remonte pi vit anba enpak COVID-19 la pase prèske tout lòt endistri nan New York epi ke depi 2015, anplwa enèji pwòp nan eta a te ogmante apeprè 17 poustan, oswa plis pase 24,000 djòb.

Dekouvèt kle nan rapò ane sa a gen ladan yo:

- **165,055 Nouyòkè te gen djòb enèji pwòp nan fen ane 2021 an, kont 157,686 an 2020.**

- **Djòb vèt New York yo te grandi plis pase 4.7 pouzan ant 2020 jiska 2021 - yo te jwenn plis pase 7,000 djòb nan 12 mwa.**
 - Sektè sa a te fè eksperyans ak yon rekiperasyon pi rapid konpare ak lòt endistri nan New York ki gen ladan edikasyon ak komès an detay; anplwa nan endistri sa yo te grandi ant 1.7-3 pouzan ant 2020 ak 2021.
 - **Anplwa te satisfè oswa depase nivo anvan pandemi yo nan prèske tout sektè teknoloji yo.** Pwoduiksyon enèji elektrik renouvlab, transpò altènatif, konbistib renouvlab, ak modènizasyon rezo a ak estokaj enèji yo tout te rive oswa te depase nivo anplwa anvan pandemi yo nan fen ane 2021 an.
 - **Sektè teknoloji transpò altènatif la te wè yon kwasans san parèy ant 2020 ak 2021.** Anplwa transpò altènatif te ogmante a prèske 26 pouzan oswa 2,318 djòb nan 12 mwa sèlman.
 - **Enèji solè te reprezante pi gwo pati nan pwogrè travay nan sektè teknoloji pwoduiksyon elektrik renouvlab la.**
 - Pandan ke konpayi solè yo atravè New York te pèdi plis pase 400 travayè soti an 2019 jiska 2020, yo te ogmante pa plis pase 1,000 travayè ant 2020 jiska 2021.
 - **Endistri ki te gen pi gwo kwasans travay yo se te òganizasyon sendika ak sivik yo, editè lojisyèl yo, machann gwosis machandiz dirab, ak gwosis machin, ekipman ak founiti yo.**

Doreen M. Harris, Prezidan ak Direktris Egzekitif Jeneral NYSERDA, te deklare, "Etabli yon fòs travay enèji pwòp mache men nan men ak avanse travay enpòtan ki bezwen fèt nan tout sektè endistri yo pou satisfè objektif klimatik anbisyé nou yo. Nou sètènman pa ka gen youn san lòt, epi rapò ane sa a montre ke nou kontinye etabli eleman debaz ki nesesè pou djòb vèt pou fanmi New York yo - nan tout eta a - ka patisipe ak benefisyé nan tranzisyon nou an pou nou kite gaz fosil pou ale nan enèji pwòp."

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Eta New York ap konstwi yon ekonomi vèt ak ranfòse enfrastrikti li pou yon avni ki pi dirab. Rapò sa a montre kijan envestisman endistri enèji pwòp nou yo ak konsantrasyon kontinyèl sou devlopman mendèv yo ap kreye travay pou demen, epi fòme talan pou okipe yo."

Pou avanse plis travay vèt nan New York, NYSERDA te angaje plis pase 120 milyon dola pou sipòte kreyasyon yon filyè mendèv enèji pwòp epi bay nouvo opòtinite fòmasyon pou nouvo travayè ak travayè ki déjà egziste yo. Opòtinite sa yo gen ladan pwogram ki fèt pou amelyore konpetans yon travayè nan chofaj pwòp, efikasite enèji, ak lòt sektè teknoloji pwòp epi ede biznis yo amelyore konpetans travayè ki egziste déjà yo, diminye depans anbochaj, ak rekritman ak fòme nouvo anplwaye yo. Sa ki pi enpòtan, efò sa yo priyorize pwogram fòmasyon yo pou pifò popilasyon defavorize nan eta a - moun ki gen revni ba, veteran, travayè andikape, paran selibatè ak ansyen prizonye yo - epi ap ede entegre travayè ki deplase yo nan nouvo endistri ki pwomèt sa a.

Kòm yon pati nan angajman finansman devlopman mendèv li a, NYSERDA deja bay apeprè 50 milyon dola pou sipòte patenarya enpòtan ak travayè, kolèj ak inivèsite yo, òganizasyon san bi likratif yo, fabrikan yo, asosyasyon komès ak lòt moun, pou asire travayè yo resevwa fòmasyon atravè kou edikasyon kontinyèl, pwogram sètifikasi, pwogram diplòm, estaj, aprantisaj ak fòmasyon nan kad travay.

Lòt inisyativ devlopman mendèv NYSERDA kontinyèl epi k ap fè siksè yo enkli:

- [**Fòmasyon Efikasite Enèjetik ak Teknoloji Pwòp**](#): NYSERDA te bay 9.5 milyon dola pou bay plis pase 12,400 Nouyòkè eksperyans pratik, ak asistans pou plasman travay nan sektè efikasite enèji ak teknoloji pwòp la (ki gen ladan HVAC, izolman ak selaj pou fuit lè, rezo entelijan, elatriye).
- [**Fòmasyon nan kad Travay**](#); Yo te bay 147 biznis plis pase 7.1 milyon dola nan sipò salè ak fòmasyon nan kad travay pou anboche plis pase 1,150 novo travayè, 33 pousan ladan yo soti nan popilasyon priyorité yo.
- [**Pwogram Estaj Enèji Pwòp**](#): NYSERDA te plase plis pase 1,500 stajyè etidyan ak novo gradye nan 262 biznis enèji pwòp atravè eta a.
- [**Pwogram Fòmasyon pou Travayè Operasyon ak Antretyen**](#)
[**Bilding**](#): Kounye a, NYSERDA ap sipòte fòmasyon pou anplwaye bilding ki opere epi antreteni plis pase 3,000 bilding atravè eta a. Pwogram nan bay plis pase 10 milyon dola pou fòme ak amelyore konpetans plis pase 6,000 travayè operasyon ak antretyen bilding.
- [**Fòmasyon ak Developman Kopmpetans pou Mendèv nan Enèji Ewolyèn Olaj Zòn Kot \(Offshore Wind\)**](#): NYSERDA ap bay 9 milyon dola pou inisyativ fòmasyon ki avanse konpetans teknik epi prepare travayè yo pou travay nan endistri enèji ewolyèn olaj zòn kot New York k ap grandi a.
- [**Sèvis Fòmasyon nan Enèji Pwòp**](#): Konsevwa pou etabli yon gwoup kontraktè kalifye pou bay fòmasyon, devlope kourikoulòm ak/oswa zouti fòmasyon, epi bay ekspètiz sou mache a ak/oswa lòt sèvis ki gen rapò ak devlopman ak fòmasyon mendèv enèji pwòp.
- [**Roadtrip Nation**](#): NYSERDA ap fè patenarya ak Roadtrip Nation pou egzekite yon inisyativ konplè pou sansibilizasyon karyè nan enèji pwòp pou mete aksan sou djòb vèt atravè Eta a ak gwo potansyèl pou karyè nan sektè enèji pwòp la.

Efò sa yo pral enpòtan pandan New York ap travay pou satisfè demann mendèv pou enèji pwòp yo prevwa ak aplikasyon Lwa Klima a. Rezulta ki soti nan yon [Etid Travay 2021](#) ke Gwoup Travay sou Tranzisyon Jis Konsèy Aksyon Klima a te pibliye, montre ke nan 21 sous-sektè k ap grandi yo anplwa total yo pral ogmante pa plis pase 60 pousan soti an 2019 pou rive an 2030 - sa k ap ajoute omwen 211,000 novo travay nan Eta New York.

Senatè Eta Jessica Ramos te deklare, "Eta New York sou wout li pou li bay yon rekiperasyon ki te kondwi pa yon tranzisyon jis nan yon ekonomi klimatik. Nan bidjè sesyon ki sot pase a, mwen te goumen anpil pou asire Lwa sou Obligasyon Anviwònmantal la te garanti salè dominan yo, epi nou t ap envesti nan pwogram fòmasyon pou travay klimatik yo. Sa tèlman agreyab pou nou wè batay sa yo kòmanse pote fwi. Mwen espere Rapò sou Travay nan Endistri Enèji Pwòp ankourajan sa a enspire kòlèg mwen yo pandan n ap antre nan pwochen bidjè nou an, epi nou ka kontinye envesti nan travay sendika vèt ki soutni fanmi yo ak bati yon avni fleksib", deklarasyon Jessica Ramos, Prezidan Komite Sena sou Travay la.

Manm Asanble a Michael Cusick te deklare, "Djòb enèji pwòp yo ap grandi san rete epi yo dirije tout lòt endistri yo nan New York. Dènye konklizyon NYSERDA yo se nouvèl ki pwomèt pou sa ki nesesè pou satisfè demann pou reyalize objektif Lwa Klimatik Eta nou an."

Manm Asanble LaToya Joyner te deklare, "Kwasans djòb enèji vèt ki byen peye ap ogmante opòtinite pou Nouyòkè yo vin yon pati nan avni ekonomik eta nou an. Amelyore dirabilite anviwònman an, travay sa yo ap kontribiye tou pou New York vin yon lidè nan rediksyon emisyon epi asire ke pa gen okenn kominote ki rete dèyè pandan n ap chèche jistis anviwònmantal la."

Stephen Acquario, Direktè Egzekitif Asosyasyon Konte Eta New York yo, te deklare, "Nan kominote yo atravè eta a, djòb enèji pwòp yo ap ede alimante rekiperasyon ak revitalizasyon ekonomik. Konte yo deja nan premye plan tranzisyon nan enèji pwòp la, epi nou felisite Eta New York pou angajman li pou konekte travayè yo ak ladrès ak fòmasyon pou djòb vèt yo alavni. Pandan n ap fè pwogrè nan reyalize objektif Lwa sou Klima yo etabli, nou dwe kontinye envesti estratejikman nan ranfòse ekonomi lokal yo, bati yon mendèv solid an matyè enèji pwòp, epi sipòte kominote yo ki pi frape pa tranzisyon an. Nou pa ka tann pou nou fè patenarya ak Gouvènè Hochul ak Eta New York pou elaji opòtinite edikasyon ak fòmasyon ki pral ede asire yon tranzisyon san pwoblèm nan direksyon yon avni ki vèt."

Amy Desjardins, Direktè Egzekitif, Enstiti Developman Mendèv (Workforce Development Institute, WDI), te deklare, "WDI bat bravo pou lidechip NYSERDA nan ogmante mendèv enèji pwòp eta nou an. NYSERDA kontinye sipòte kwasans sa a ak rechèch pratik ki ensizif tankou Rapò Endistri Enèji Pwòp ane sa a. Menm jan li enpòtan an, li te fasilité aksè ak resous eta a mande yo pou adrese bezwen fòmasyon ak edikasyon yo nan sektè enpòtan tankou konstriksyon, sèvis piblik, pwoduiksyon elektriske, pèfòmans biling, ak transpò. Pandan plis pase yon deseni, pwogram enèji ak klima WDI a te ogmante kalite travay, chemen karyè ekitab, ak konpetans ki gen demand pou adrese bezwen sektè enèji pwòp ki toujou ap evolye a."

Plan Klimatik Nasyonal Eta New York ki Alatèt Peyi a

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye

travay epi ki kontinye ankouraje yon ekonomi ekolojik pandan Eta New York ap retabli anba pandemi COVID-19 la. Enskri nan Iwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, envestisman sa yo pèmèt kenbe plis pase 165,000 travay nan sektè enèji pwòp la nan New York an 2021, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035. Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envestisman nan enèji pwòp pou benefisyé kominote defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)